

補餘堂四書問答

自序

憶侍先君子補齋府君讀書神頂精舍大昌時甫十
齡先君子偶鑄小圖記曰補前人未了問解此否則
對以前人者乃吾宗祖與古聖賢也先君子領之弱
冠後從事舌耕十有餘載每涵泳四子書始信紫陽
夫子謂即一部論語白頭六解說不盡惟是先君子
少從舅氏洪壽山先生游備識儒先古義故大昌於
講肄遇有疑難幸以所聞於先君子者因為博攷經

訓殫心討論書示及門積漸既多殆不能盡收拾矣
近兒輩慮其散佚迺於曩在江右芝陽書院洎今宛
陵學舍所課示生徒者彙而錄之遂復檢舊稿若干
悉命繕正重自校勘且刪其與前人闇合者分卷二
十有四題曰四書問答其中採用前代諸儒與
國朝鉅公議論必一一述明間有不從舊解黷所未
發者如與其易也寧戚射不主皮居蔡抑為之不厭
誨人不倦使門人為臣上如揖下如授若由也不得

其死然如有王者必世而後仁豈若從辟世之士哉
致中和誠有百姓者置郵獵較生之謂性之類不下
六七十條雖自知蹈僭越之罪亦欲以庶幾補前人
未了之意也他如人名地名以藝林素有專家訓詁
稍泛其略而於九穀六書田制水道律呂歷象并各
項典禮不厭詮釋過詳凡五經疑義靡不研究而隲
括焉則豈特沾沾為舉業計乎哉乾隆甲寅歲嘗拊
數椽於里居東偏顏之曰補餘堂以誌弗忘先訓奈

中年目恙學殖蹉跎向不揣冒昧有戴記類編之纂
比見吳氏草廬禮記纂言始復輟筆至所著是編暨
散文百數十首時藝數百餘首詩鈔十卷廿二史列
傳人名紀畧卷帙頗繁尚未脫橐皆曰補餘堂藏本固未敢以
質世茲二三子亟請是編付之剞劂爰略叙梗概第
靳見者鑒其固陋而匡其不逮云

嘉慶十五年庚午孟春婺源戴大昌書於宛陵學舍

參校門人名氏

鄱陽朱霞光庭

黟縣汪文銳思敏

王瓚釐爾

同邑王世衡佐屏

樂平汪逢泰彙征

胞弟世昌洛三全校

浮梁程琳豫庭

男揚輝爾勤

大庾戴嘉穀崑禾

揚廷子容

宣城陳俊漢千

揚藻湘涵

詹盟薇尚賓

姪揚賡殿颺全編

詹詠慕溪

貢鳴鳳殿英

貢培鵬萬九

唐俊存初

章承枋季穆

吳夢涓東秀

楊瓊瓊玉

萬方泰竹修

涇縣查德輝羽翔

旌德呂翔雲翰揮

補餘堂四書問答

總目

卷一 上論

道千乘之國

學則不固 古注有二說

父在觀其志 節

君子食無 二句無求非不暇及

北辰

詩三百 孔子刪詩附攷

思無邪

且格

無違 父母惟其疾之憂附

至於犬馬 古注有二說

子夏問孝 節

溫故而知新 古注不作弗解

大車無輓

二句

轅制附解

孔子謂季

兩節

三家之堂雍微附解

與其易也寧戚

易非過於文

揖讓而升

二句

卷二

子夏問曰巧笑

章

禘

灌獻附攷

吾不與祭

二句

與其媚於奧

二句

五祀附

子入大廟

二句

鄉附攷

射不主皮

不主皮非不貫革與不以中為雋

關雎

哀公問社

節

宰我附攷

三歸

有反坫

二解

始作翕如也

子謂韶

節

舜武功本不同

朝聞道

節望道而未見附

夫子之道忠恕 二句

南容

無所取材

卷三

可使治其賦也

邱甲田賦馬牛養在官

吾與女弗如也

古注非訓與為許

晝寢

宿于晝附見

何以謂之文也

春秋諡法攷

居蔡山節藻梲

所居非即室

十室之邑

南面

古人非以南面為尊

子華使於齊

節庚斛附攷

子謂仲弓曰

節史記列傳汝第云父賤

則史

其文則附

觚

仁者雖告

三句非因信道不篤

子見南子 節

老彭

左邱明附見

束脩

用之則行

三句子行三軍節附

富而可求

節古注不主命言

聞韶三月

夫子爲衛君 章

卷四

加我數年五十

有四解

學易

易名義程邵之說附攷卦變

陳司敗

二解

君取於吳

二句坊記去夫姓附解

抑爲之不厭

二句二句當用分頂

泰伯

節

曾子有疾謂

節

關雎之亂

耳哉笙詩附攷

於斯爲盛 二句

三分天下

節 夏商周九州附攷

而盡力乎溝洫

與仁

吾執御矣

五御附

子畏於匡

吾以女爲死矣附

固天縱之

節 太宰附

鳳

卷五

河圖

先天卦圖 毛西河誤論九宮舊法附攷

冕衣裳者

見冕者附

子路使門人爲臣

爲臣非謂治其喪

有美玉於斯

節

然後樂正

二句

苗而不秀

節 二解

後生可畏

二句 而無聞焉附

唐棣之華

章 唐棣附攷

立不中門

賈孔疏說不同

上如揖

二句上下指當階言

當暑

二節

楊襲制附攷

必有寢衣

節

狐貉之厚以居

三解

齊必變食

食不厭精

二句厭作飽饜不時句附

割不正

二節割牲之法食禮燕禮附攷

雖疏食

節

席不正不坐

鄉飲酒附

式負版者

力役之征附

入太廟每事問附

卷六

鄉黨全篇

附辨黃氏雲石鄉黨考並摘錄江氏慎修鄉黨圖考要義

卷七

下論

從我於陳

節

在陳絕糧弟子年歲附攷

文學子游子夏

從祀經師附攷

人不閒於

句

二解

若由也不得

句

子路問成人章附解

如會同

祀方明附

端章甫

非諸侯而何附

沂

夫子喟然

二句

天下歸仁焉

克已附解

四海之內

二句

子夏無語病

足兵去兵

管子軍政附攷

文猶質也

節

上二句非言文質相等

哀公問於

章

春秋時兵民已分附攷

片言

古注非謂無宿諾附

半言

如有王者

節

不辱君命

非專對可比不能專對附

夫子不答

羿昇附

卷八

愛之能勿節分指父師

奪伯氏三百有二

晉文公譎節

九合諸侯二句桓公殺糾附

作者七人矣四解

深則厲厲渡石也鄙哉句附

諒陰康王之誥附攷

闕黨

俎豆之事

直哉史魚節

君子哉蘧伯節左傳事可疑

行夏之時周書時訓月令春王正月附攷

乘殷之輅

史之闕文

卷九

知及之

節

之字俱指民言

季氏將伐

章

東蒙固近於費附攷

遠人不服

四句

遠人非顓臾

四世矣

四解

陳亢退而喜

節

非謂教無異於門人

邦君之妻

節

性相近也

二節

公山弗擾以費叛

東周附

中牟

匏瓜

匏有兩種

孔子辭以疾

聖門弟子附考

宰我問三年

章

鑽燧改火

季春出火禁火附攷

寒食

微子去之

箕子比干附

以季孟之間待之

孟氏非下卿

今之從政者殆而

且而與其

二句

辟世非桀溺自謂

卷十

五穀不分

九穀附攷

植其杖而芸

四體不勤二句另附解

至則行矣子路曰

虞仲

夷逸附

放言

古注不作放蕩解廢中權附

大師摯適齊

章

有四說侑食附攷

君子不施其親

二解附攷周公之子附攷

君子學以致其道

與他處學字有別

喪致乎哀而止

而止非不尙文飾

如日月之食焉

赤道黃道歷代日食附攷

雖有周親

二句

孔注孔傳自異孔傳自異附攷

予小子履節亦孔注

權量度

歷代異同附攷

寬則得衆

節

非泛言堯曰節附兄

卷十一

大學中庸

在親民

康誥 帝典附攷

瑟兮僩兮者恂慄也

此謂知本 至也 古本大學附攷

楚書舅犯秦誓

畜馬乘 乘訓四 百乘之家附

喜怒哀樂

二節 喜怒哀節承戒慎來

正鵠 大射賓射燕射鄉射侯制攷

宗廟饗之

舜非出黃帝

武王末受命 文王受命攷元附攷

卷十二

上祀先公

追王附

期之喪

六句 祭以士祭以大 附

設其裳衣

尸附攷

宗廟之禮

兄弟異昭穆附攷

序昭穆

序爵序事

旅酬下為上

孔疏為讀如字

燕毛

郊

社社稷附

卷十三

夫政也者蒲盧也

官盛任使

送往迎來

往來俱有授節委積

朝聘以時二句

周官朝宗覲遇附攷

著龜

左傳卦占附攷

掛扞歸奇

成已仁也二句

禮儀三百

二句

故君子尊德

節

朱陸早異晚同附攷

卷十四

書同文

篆隸音韻附攷

反切

雙聲

辟如四時

二句

歲貢附攷

理

君子之所至以色在下位五

卷十五 上孟

五畝之宅

非在田在邑之說

備

晉國

孟子見梁襄王

惠王後元附攷

釁鐘

誠有百姓者

非謂誠如百姓所譏

為長者折枝

中國四夷

五服六服九服附攷

海內之地 二句

獨樂樂

至言樂類附管籥楚

賢者亦有此樂乎

賢者亦謂人君

朝舞

明堂 圖附

關市譏而不征

王顧左右而言他趙岐有
二解

卷十六

齊人伐燕伐燕為
齊湣王 齊人將築薛

梁山水嶺
附攷 或曰世守也 節

前以士 不同也 微子微仲以紂為兄之
子二句附

置郵古無以置為傳
送文書之訓 其為氣也配義 二節

市廛而不征 二句 廛無夫里之布

天時歲陰
分野附攷 地利虎牢函谷潼
關武關附攷

孟仲子孟季子
附攷 孟子門人 子之持戟 三句

卷十七

周公使管

二句

三監居東附攷

滕定公薨

章

宗國魯先君

宗法附攷

夏后氏五十

三句

徹者徹也

非通力合作計畝均收

詩曰雨我

節

籥章附攷

設為庠序

句

辟雍泮宮非學名附攷

夏曰校

三句

非三代各立一學之謂

經界不正

三句

均田法附攷

卷十八

請野

節

非鄉遂用貢都鄙用助

餘夫

非年十六必授餘夫田非壯有室便授百畝田

當堯之時

獨憂之

堯無九年之水

舉舜

掌火

禹疏九河河塞河徙附攷

濟漯附

漢漢水二源汝附攷

排淮泗之江淮通江濟淮泗水源附

江江源三江附攷

稷契俱非帝嚳之子附攷

周公方且膺之

卷十九

墨者夷之章命之矣句附

吾爲之範我四句王良附

父命之母拜之附攷

媒妁之言仲春之月令會男女附攷

十一征

大夫有賜三句

禹掘地而注諸海四瀆

河積石河源附攷

伐奄三年討其君

滅國五十附攷

孔子成春秋

賊子懼

紂君書人

書國與實弑而以卒書

子野

卷二十

下孟

不以六律

二句

管度絃音生聲取分不同古今律呂不同附攷

西洋律呂

億

滄浪

今天下溺矣

節

卒於鳴條

遷于負夏湘夫人附攷

湘君

卷二十一

大人者不失

節

趙注二解

言無實不祥

節

王者之迹熄

章

非黍離降為風而雅亡非株林後無詩而風亡

孔子曰其義

二句

春秋無凡例

君子之澤

節

天之高也

節

赤道經度赤道緯度之差其測日用春秋二分測天用弧三角

西法恆星有歲進

告其妾

中庭

帝使其子

節

舜尚見帝節附

父母使舜

予治

鬱陶爲喜附解

舜流共工

四句

幽州崇山三危羽山

三苗

有庠

卷二十二

故說詩者

得之

詩序附攷

外丙

二句

不主趙程二家說放桐附攷

伊訓曰

節

毫都五遷附攷殷邦

頑夫廉

集大成

終條理也

鐘特磬各有十二應十二律附攷

中士下士

天子之制地

節附庸

天子之卿

節方氏謂卿等采地在畿外

大國地

三節

一夫百畝

二句

亥唐

卽絳縣老人

魯人獵較

二句

田獵之制臣統于君

委吏乘田

以皮冠

以旌

皮冠非皮弁旌旗制附攷

卷二十三

生之謂性

章

生非指知覺運動告子附

槩棘

羊棗附

任人有閭屋

章

受業於門

業非卽學之謂曹交附攷

小弁

有人于此二段附解

凱風

季任

任姓附攷

乃孔子則欲

句

微罪當指孔子自謂

無有封而不告

郝氏指凶禮說

南陽

慎子附

今魯方百里者五

丹之治水

章

君子不亮

節

二解

傳說舉於

二句

膠鬲非仕于周

孫叔敖舉於海

三仕三已附攷

百里奚舉於市

故達

二解

仲子不義

節

親戚附解

春秋無義

節

卷二十四

盡信書

二節

自秦後尚書復見于世者有五二真三偽梅賾古文尚書附攷

以至仁伐

二句

前徒倒戈附解

被袵衣

二女果附

山徑之谿

二句

以追蠡

鐘紐附攷

夫子之設科

五句

三解

鼻之於臭也

飴

姓所同也

錫姓命氏百姓附攷

然而無有

二句

上句非任見知末句非指後世

右共計三百條

又附解者二百餘則

附錄

四書字義不同集注所未載者畧採脩覽

共一百二十餘條

各本石經四書字句不同者畧採脩覽

歷代石經附攷

古今輿地攷畧

補餘堂四書問答卷一

婺源戴大昌斗源

道千乘之國

問馬氏融謂一成出革車一乘。千乘之賦。其地千成。方三百

一十六里有畸。包氏咸謂十井爲乘。千乘者百里之國也。何

注兼引之。謂馬依周禮大司徒公五百里侯四百里包依王制孟子公侯皆方

百里義疑故兩存焉。則何注似以二說有不同也。邢疏則以開

方之法釋之。而項氏家說因謂考以開方之法。則馬包之說

一也。敢問如何。

答開方之法。謂方百里者每方百里也。方百里者爲方十里者百。是得方百里者十也。以方百里者九分爲三。則每方長三百里。又破方百里者一。旁加於南西兩邊。得長三百里。廣十六里有畸也。其略如此。邢疏於釋馬氏說已詳載其法。而於釋包氏說亦謂開方之法。每方十里者一。爲方一里者百。其賦十乘。方百里者一。爲方十里者百。則其賦千乘也。後儒本此。因謂開方之法。馬包之說合一。今竊以王制所論開方之法核之。則固有不合者。何則。蓋馬說雖依周禮而實本於漢書刑法志所云。一同百里。提封萬井。除山川沈斥城池邑

居園圍術路三千六百井。實出賦六千四百井。戎馬四百匹。兵車百乘。一封三百一十六里。提封十萬井。實出賦六萬四千井。戎馬四千匹。兵車千乘。天子畿方千里。提封百萬井。實出賦六十四萬井。戎馬四萬匹。兵車萬乘。此所謂一封三百一十六里。兵車千乘。則馬氏所本也。然按王制云。方一里者。爲田九百畝。方十里者。爲方一里者百。爲田九萬畝。方百里者。爲方十里者百。爲田九十億畝。方千里者。爲方百里者百。爲田九萬億畝。孔疏云此言開方之法鄭注億爲十萬。則方百里爲田九十億畝者。乃九百萬畝也。孔疏亦云今依諸侯提封十萬井計

之。當有九百億畝。卽以實出賦六萬四千井計之。亦當有五
百七十六億畝。不當云九十億畝也。蓋不以馬包爲合一者。
謂馬言一成出一乘。乃八百家出一乘。包言十井爲乘。乃八
十家出一乘也。邢疏證以開方之法。則方百里者。爲方十里
者百。得三百十六里有奇。但王制亦云。方百里者。爲方十里
者百。然計其田。第有九十億畝。卽九百萬畝以井九百畝計之。則
萬井耳。以八家同井計之。則八萬家耳。今以千乘屬之八萬
家。適合包氏八十家出一乘之說。而於馬云一成出一乘。迥
不相侔。蓋一成百井。是爲八百家出一乘也。開方之法。謂方

百里得三百十六里有奇。今以畝計井。以井計里。合于此而
不合于彼。項氏所謂馬包之說。合一者。果能通耶。可知包自
依王制孟子。馬自依漢書所言提封井數也。兵車之制詳後治賦一條

學則不固

問或謂固陋也。能學則不固陋也。如何

答

此亦本之孔注云。固蔽也。邢疏謂學先王之道。則博聞強
識而不固蔽也。竊按孔注本有二說。今集注釋爲堅固。承上
不重句弗講。乃用孔注之後說耳。然此章共五句。當爲每句
一事。似宜以孔注前說爲正。如道千乘章集注亦分五者

父在觀其志 章

問 孔鄭俱以三年無改指居喪三年哀慕未忘。蓋承父沒言

耳。或以此節專爲孟莊子而發。朱子語類亦引孟莊子又或

謂首二句兩其字俱指父說。乃觀父之志與行也。諸說何如

答 三年第言其久耳。若指居喪哀慕未忘。豈三年後則可改

乎。無改第當指父之行事合乎道者。如其非道何待三年。蓋

親在尙須幾諫。故曰諭父母於道。可謂孝矣。觀坊記引此節

三年無改於父之道二語。而先之曰君子弛其親之過而敬

其美。是恰好注脚也。或以兩其字指父。謂觀父之志與行

不知惟父在子不得自專。故觀其志。此孔氏說而集注因之。確不可易。否則良弓之子學爲裘。良冶之子學爲簣。則於父在何不可云觀其行。孝子善繼人之志。則於父沒何不可云觀其志。烏用父在則觀志。父沒則觀行耶。此不必好爲異解者也。至謂專指孟莊子亦屬臆度。

君子食無求飽居無求安

問 集註謂志有在而不暇及也何如

答 集註蓋本鄭說。但近時戚氏鶴泉言此二句當與恥惡衣惡食。士而懷居富貴。是入所欲章參看。則無求飽無求安。正

學所在。若將二句劃在學外。全不着力矣。据此則兩無字。具有識力。此二句當與敏事慎言平看。非第志有在而不暇及也。

北辰

問。北辰。北極。天之樞也。居其所不動也。據爾雅北極謂之北辰。又漢志載北極五星。第一星主太子。二星最明者謂太乙。主帝。三星主庶子。四星主后。其第五曰紐星。爲天之樞。主帝都。則集注之所本也。乃或言無星之處曰辰。或言北辰非卽指天樞。或言不動者亦非不動也。其說如何。

答
天形半覆地上。半繞地下。而左旋不息。北極則與南極同
爲天之樞紐。天運無停。故兩極亦常旋轉不息。然則云不動
者。非不運動。乃不移動也。謂如車輪之軸。動而不離其處。故
曰居其所也。正象人君爲政以德之意。非清淨無爲之謂也。
按宋志謂北極不動處。猶在樞星之末一度餘。朱子亦嘗言
之。至明末西人測之。謂天樞星離極已三度。然則北辰固名
北極。而非卽天樞星也。或但目爲無星之處曰辰。亦鵠笑矣。
必言北辰者。蓋北高而南下。北極出地三十六度。常見不沒。
南極則入地三十六度。常沒不見。夫子第就其常言之。象人

君居北嚮明而治。故不言南極而言北也。其實極之高下。則隨方所見不同。近北則北極漸高。近南則北極漸低。又極南則北極反沒。南極反見矣。按元史載南海北極出地一十五度。夏至則晝五十四刻。夜四十六刻。嶽亭北極出地三十五度。夏至則晝六十刻。夜四十刻。鐵勒北極出地五十五度。夏至則晝七十刻。夜三十刻。北海北極出地六十五度。夏至則晝八十二刻。夜十八刻。故極之高下。隨方不同。而晝夜之長短。因之亦異。其云出入常三十六度者。乃中國河南等處所見。則然耳。具詳下孟天之高也節一條。

詩三百

問 史遷言古詩三千餘篇。孔子去其重。取可施于禮義。得三百五篇。皆弦歌之。以求合韶武雅頌之音。据此則詩有三千而僅三百餘篇。果夫子所刪耶。

答 史遷言夫子刪詩。儒者遵守其說。歐陽公亦篤信之。謂以詩譜推。有更十君而取一篇者。有廿餘君而取一篇者。由是言之。何啻三千。又云。或有篇刪其章。章刪其句。句刪其字者。周子醇樂府拾遺所論。亦與歐公略同。馬貴與則謂孔子刪詩。于其所可知者。雖詞旨迂晦。如鶴鳴蒹葭之類。及詞意流。

佚。如桑中溱洧之類。亦不果刪也。于其所不可知者。雖文義明白。如豈不欲往。畏我友朋之類。及詞意莊重。如禮義不愆。何恤于人言之類。亦不果錄也。是馬氏不惟偏信史遷刪詩之說。而其持論浮游無據。竟不解其所謂可知不可知者之何所分別也。若夫鄭學之徒。皆以遷說爲謬。孔氏正義亦云。按書傳所引之詩。見在者多。亡逸者少。則孔子所錄之詩。不容十分去九。遷言未可信也。朱子謂是經孔子重新整理。未見得刪與不刪。又云孔子不曾刪去。祇是刊定而已。水心葉氏亦以詩之亡逸。不因孔子而刪。則皆不信史遷之說者也。

竊謂詩之有逸。或其詩本來殘闕。非屬完篇。孔子因而刪去。刪之云者。應如朱子祇是刊定。所謂雅頌各得其所。詩教由此獲存。豈有刪去十分之九。而古詩幾由是而亡乎。善乎朱竹垞謂夫子自云詩三百者。再未必定屬刪後之言。茲附其說于左。

朱竹垞曰。竊以詩者掌之王朝。班之侯服。小學大學之所諷誦。冬夏之所教。莫之有異。故盟會聘問燕享。列國之大夫賦詩見志。不盡操其土風。使孔子以一人之見。取而刪之。王朝列國之臣。其孰信而從之者。且如行以肆夏。趨以

采齊樂師所教之樂儀也。何不可施于禮義。而孔子必刪之。俾堂上有儀而門外無儀何也。凡射王以騶虞爲節。諸侯以貍首爲節。大夫以采蘋爲節。士以采蘋爲節。今大小戴記載有貍首之辭。未嘗與禮義悖。而孔子于騶虞采蘋采蘋則存之。于貍首獨去之。俾王與大夫士有節。而諸侯無節又何也。燕禮升歌鹿鳴。下管新宮。大射儀乃歌鹿鳴三終。乃管新宮三終。而孔子於鹿鳴則存之。於新宮則去之。俾歌有詩而管無詩。又何也。肆夏繁遏渠。天子所以享元侯者。故九夏掌于鐘師。而大司樂王出入奏王夏。尸出

入奏肆夏。牲出入奏昭夏。鄉飲之禮。賓出奏陔。鄉射之禮。賓興奏陔。大射之儀。公升卽席奏陔。賓醉奏陔。公入鵲。此又何不可施于禮義。而孔子必刪之。俾禮廢而樂缺。又何也。正考父校商之名頌十二篇於周太師。歸以祀其先王。孔子殷人。乃反以先世之所校歸祀其祖者。刪其七篇而止存其五。又何也。穆王欲肆其心。周行天下。祭公謀父作祈招之詩以止王心。詩之合乎禮義者莫此若矣。孔子旣善其義而又刪之。又何也。且詩至于三千篇。則輶軒之所采。定不止於十三國矣。而季札觀樂於魯。所歌風詩無出

十三國之外者。又子所雅言。一則曰詩三百。再則曰誦詩三百。未必定屬刪後之言。況多至三千。樂師蒙叟。安能徧爲諷誦。竊疑當日掌之王朝。班之侯服者。亦止于三百餘篇。由是觀之。詩之逸也。非孔子刪之可信已。

思無邪

問 集注謂其用歸于使人得其情性之正。則思無邪句。專主讀詩者言。然否。

答 觀夫子云詩三百一言以蔽之。則思無邪是明明論詩也。非爲學詩者言也。蓋詩三百篇。皆以垂世立教。有美有刺有

頌有規。要無有發于邪思。而聖人猶列之爲經者。其變風中發乎情止乎禮義者。無論已。卽間有淫泆之什。皆詩人叙其事以刺之。故記曰。好賢如緇衣。惡惡如巷伯。此風人之旨也。否則其人或不得志于君父朋友。而託于男女思慕之詞。以寫其中情抑鬱之隱。故史遷云。國風好色而不淫。小雅怨誹而不亂。則騷體之祖也。惟作詩者思本無邪。斯能令學詩者可興可觀可羣可怨。可以事父事君也。夫子雅言詩而特舉思無邪一言以蔽之。可謂深切著明矣。若夫鄭聲之淫。先儒謂指鄭聲。非指鄭詩。不然。夫子旣曰放鄭聲。而豈有復登于

三百篇哉。茲附馬氏說以脩覽焉。

戴氏東原毛詩補傳謂詩皆忠孝賢良之人所作。

馬貴與曰。詩之可刪。孰有大於淫者。今以文公詩傳考之。其指以爲男女淫泆奔誘而自作詩以叙其事。凡二十有四。如桑中東門之墀。溱洧東方之日。東門之池。東門之楊。月出。則序以爲刺淫。而文公以爲淫者所自作也。如靜女。木瓜。采芣丘中有麻。將仲子遵大路。有女同車。山有扶蘇。蓍分狡童。褰裳丰風。雨子衿。揚之水。出其東門。野有蔓草。則序本別指它事。而文公亦以爲淫者所自作也。夫以淫昏不檢之人。發而爲放蕩無耻之辭。而其詩篇之繁多如

此夫子猶存之。則不知所刪何等篇也。十五國風爲詩百五十有七篇。而其爲婦人而作者。男女相悅之辭。幾及其半。雖以二南之詩。如關雎。桃夭。諸篇爲正風之首。然其所反覆詠嘆者。不過情慾燕私之辭耳。漢儒常以關雎爲刺詩矣。此皆昧于無邪之訓。而以辭害意之過也。而況邶鄘之末流乎。以是觀之。則知刺奔果出于作詩者之本意。而夫子所不刪者。其詩決非淫佚之人所自賦也。如序者之說。則雖詩辭之邪者。亦必以正視之。如桑中之刺奔。溱洧之刺亂之類是也。如文公之說。則雖詩辭之正。亦必以邪

視之。不以木灰爲美。齊桓公。不以采葛爲懼。譏。不以遵大路。風雨爲思。君子。不以褰裳爲思。見正。不以子矜爲刺。學校廢。不以揚之水爲閔。無臣。而俱指爲淫奔。諱浪贈答。要約之辭也。且此諸篇者。雖疑其辭之欠莊重。然首尾無一字及婦人。而謂之淫邪者乎。又左傳季札來聘。請觀周樂。而所歌者。邶鄘衛鄭皆在焉。則諸詩固雅樂矣。使其爲里巷狎邪所用。則周樂安得有之。而魯之樂工亦安能歌異國之詩乎。左傳載列國聘享賦詩。固多斷章取義。然其太不倫者。亦以來譏誚。如鄭伯有賦鶉之奔奔。楚令尹子圉

賦大明。及穆叔不拜肆夏。甯武子不拜彤弓之類是也。然鄭伯如晉。子展賦將仲子。鄭伯享趙孟。子太叔賦野有蔓草。鄭六卿餞韓宣子。子齋賦野有蔓草。子太叔賦褰裳。子游賦風雨。子旗賦有女同車。子柳賦籜兮。此六詩皆文公所斥以爲淫奔之人所作也。然所賦皆見善于叔向。趙武韓起。不聞被譏。乃知鄭衛之詩。未嘗不施之于燕享。而此六詩之指意訓詁。當如序者之說。不當如文公之說也。

且格

問
何晏注格正也。謂民且歸于正也。集注格至也。謂有以至

子善也。則夫子云且格者。似爲未了語矣。如何。

答爾雅釋詁。訓格爲玉。朱子本此。但證之書祖已曰。惟先格王正厥事。又罔命篇繩愆糾繆。格其非心。格亦正也。又孟子言惟大人爲能格其君心之非。下云君正莫不正。一正君而國定。蓋大人正已而物正者也。則格之訓爲正。其顯然矣。竊按說命格于皇天。則作感格解。又益稷篇格則承之庸之。否則威之。則格又爲變革之義。謂能革故而從新。較于有耻且格。意爲切。故禮記緇衣云。教之以德。齊之以禮。則民有格心是也。格字當依此數義釋之。似不必訓格爲至矣。

無違

問 毛西河以無違。謂教孟孫無違僖子之命而學禮也。何如
答 此說始于鄭東谷。毛西河獨主之。但觀末節夫子生事之
以禮云云。要是大概言之。固未及無違僖子之命意。則集注
以無違爲不背于理。而禮卽天理之節文也。意自渾融。

父母唯其疾之憂。何晏注用馬氏說。言人子惟有疾使
父母憂。疾病之外。不得妄爲非法之事。貽憂於父母也。集
注改爲父母愛子之心。惟恐其有疾病。常以爲憂也。意更
深至矣。或以父母二字作一讀。以其字指父母說。謂人子

常以父母之疾爲憂也。此亦卽文王世子篇末一段語意。於題情亦覺貼切。

至於犬馬

問 養父母不敬。推言之。至于養犬馬。不已甚乎。

答 此句包氏之註。本有二說。一謂犬以守禦。馬以代勞。皆養人者。此則以犬馬自比也。一謂人之所養。乃至于犬馬。皆能飲之食之。但食而不愛。豕畜之也。愛而不敬。獸畜之也。集註則用其後說耳。

子夏問孝 節

問事父母能竭其力。人子豈可空恃此色。而以服勞奉養爲後乎。

答聖言固須善會。蓋服勞奉養而有愉色。方可爲孝。如殫竭力耕田。祇載見瞽瞍色。固卽寓于服勞奉養之時。非是抹却服勞奉養也。子夏非不足於服勞奉養者。故夫子以色難勗之。按古注解色難。謂承順父母之色爲難。與集注異。但人子有和氣愉色。自必能承順父母之色。理則相通也。又集注先生父兄也。或謂本儀禮有司徹章。鄭注云先生長兄弟也。不知朱子實承用本節馬氏之舊注耳。

溫故而知新可以爲師矣

問 朱子中庸章句。於知新云。理義則日知其所未知。此處則云。時習舊聞。而每有新得。將溫故知新作。弗說。何居。

答 按此節舊注。謂尋繹故者。又知新者。可以爲師矣。邢疏謂舊所學者。溫尋不怠。是溫故也。素所未知。學使知之。是知新也。本分兩層。是溫故卽月無怠。其所能也。知新卽日知其所。亾也。今集注。但謂學能時習舊聞。而每有新得。改作弗說。於題義未爲周到。似當兼舊注與集注二義言之。則可耳。

大車無輓。小車無軌。

問集注釋輓軌。用注疏舊說。謂輓端橫木縛輓以駕牛者爲輓。似分橫木與輓爲二物矣。謂輓端上曲鉤衡以駕馬者爲軌。似指輓之上曲處爲軌矣。其說然否。

答

竊按大車有輓。小車亦有輓。小車之輓亦名爲輓而輓各不同也。大

車輓端有橫木。

卽車人所謂鬲者

小車輓端亦有橫木。卽輿人所謂衡者而

橫木亦各不同也。蓋大車有兩輓。以兩輓夾一牛。故輓端但平直而不曲。小車祇一輓。以一輓居中駕兩服馬。故輓端必穹窿而上曲。此輓之不同也。大車兩輓端有橫木連之以壓牛領。其橫木則彎曲。如今耕牛之有曲木也。考工記車人云。

鬲長六尺。先鄭曰。鬲謂轅端壓牛領者。蓋鬲則軛也。亦卽此
之所謂軛也。故曰鬲曰軛。曰軛卽大車轅端之橫木。原非二
物。彼乃云轅端橫木縛軛以駕牛者。則惑人甚矣。小車之
轅穹窿上曲。而轅端之橫木名爲衡者。則平直而不曲。但其
橫木下面向兩馬頸處。各有彎缺如半月形。則名爲兩軛。左
傳謂之兩鉤。卽此之所謂軛也。故曰軛曰鉤。曰軛卽指小車
轅端橫木稍彎缺以拘兩馬頸者而言。彼但云轅端上曲鉤
衡以駕馬者。則不分曉矣。此大車小車橫木之不同也。
江慎修先生周禮疑義舉要有云。小車之衡當兩軛處。必有

輦以承之。輦之制雖不見經。但昭二十五年公羊傳。齊侯唁公于野井。以輦爲几。意其制有小木架。上斂下開。以草覆之。亦如今制。蓋馬與牛不同。牛可負輓引車。馬不能負衡引車。須以輦覆于前。因以草束衡而連之。如今駕馬車亦必用輦也。

按考工記車人爲車。有大車柏車羊車。

鄭注羊善也。

皆駕牛之

大車也。輿人爲車。有田車兵車乘車。

棧車飾車皆乘車也。

皆駕馬之

小車也。以輶言之。大車兩轅。各長二丈七尺。其出于牝服

之前者。一丈四尺。

牝服卽車箱也。

其自車底而出于車尾之後者。

共一丈三尺也。柏車之轅長一丈八尺。出于車前者九尺也。羊車之轅。出于車前者八尺五寸也。小車一轅。亦曰軛。軛人爲軛。及詩五檠梁軛卽此。自車尾直貫軛前上穹爲轅。至末下垂持

衡以駕馬。其轅出軛前者十尺。

軛謂軛前也。

蓋以一丈三尺三

寸有奇。揉之爲十尺也。以轅端橫木言之。大車謂之鬲。小車謂之衡。鬲長六尺者。以轅內祇駕一牛也。衡長六尺六寸者。以轅下須駕兩服馬也。大車一牛當轅。若重載不能勝。其前及左右自可通加數牛。而以索屬之。小車二馬可駕。若加兩驂則爲駟。再加之則爲五爲六。如干旄詩所言。

及書言馭六馬是也。至車之制度。略見後附錄鄉黨圖攷。

孔子謂季氏

二章

問首節以舞佾罪季氏。次節以歌雍譏三家。豈舞佾爲季氏所獨與。又杜預以每佾人數如其佾數。服虔以每佾皆八人。果孰是歟。

答

每佾人數如其佾數。若士二佾止餘四人。豈復成舞。先儒如吳斗南毛西河辨之詳矣。舞在堂下。歌在堂上。舞佾歌雍。是相連事。非舞佾爲季氏所獨也。三家皆桓公後。以季氏爲大宗。蓋別立桓公廟。廟則在季氏家。所謂三家之堂是也。

魯以天子之禮樂祭周公。其後于群公廟亦僭用之。故三家亦於桓公廟公然舞佾歌雍。而首章獨罪季氏者。所以誅首惡也。若論宗法之正。則三家但當以季友爲大宗。至五世後尊爲太祖。所謂別子爲祖也。季友卽別子本不當立桓公廟。所謂大夫不得祖諸侯也。故郊特牲云。公廟之設於私家。非禮也。

由三桓始也。

宗法詳後宗國魯先君一條

雍徹附考

小序雍詩。禘太祖也。毛傳以詩內烈考謂武

王。鄭箋以皇考謂文王。王介甫則以皇考爲武王。烈考爲文王。皆依序說。謂爲禘也。朱子於禘則主趙伯循說。謂祭

始祖所自出。獨以始祖配之。而此詩則有烈考皇考及文

母所以不用序說

或謂吉禘于文王亦與序指禘太祖者不合

故集傳改爲武

王祭文王之詩。烈考皇考則俱指文王也。又攷周禮樂師

及徹帥學士而歌徹。卽雖詩也。

亦名徹

然則此詩之作。莫詳

所由。而其後遂通用爲天子宗廟祭畢而徹之樂歌歟。又

仲尼燕居篇云。兩君相見。客出以雍。徹以振羽。

卽振鷺

是則

諸侯享賓亦用此詩以送賓客也。

與其易也寧戚

問
集注易治也。謂徒習喪禮之文也。然遍攷字書。無釋易爲

治者如何

答

字書未有釋易爲治者。惟趙岐于孟子百畝之不易爲已

憂。釋爲不易治。而於易其田疇。直注云易治也。此集注所本

也。

集注故引孟子曰易其田疇。

外註又載范氏引檀弓祭與其敬不足而

禮有餘也。不若禮不足而敬有餘也。喪與其哀不足而禮有餘也。不若禮不足而哀有餘也。以證奢易則過於文之義。但按何注用包氏說。易和易也。言禮失於奢不如儉。喪失於和易不如哀戚。則上下句自是兩義。且檀弓所言。俱曰不若禮不足。故辭意本同。今夫子以奢與易分說。明有兩義。若如集

注所釋易字。仍是與其奢也之意。則上句禮字原係包舉。又何必抽出喪禮另曰與其易也乎。竊謂趙氏於易其田疇訓易爲治。乃芟治之義。按檀弓。易墓非古也。鄭注易爲芟治。言芟除草木也。孟子云易耕亦此義是訓易爲芟治。今欲借爲喪禮文飾之解。亦訓易爲治於義乖矣。鄙意據檀弓徐君使容居弔邾婁考公之喪。邾有司曰。諸侯之來辱敝邑者。易則易。于則于。易于雜者。未之有也。孔疏謂易爲簡易。于猶迂也。此處與其易也。亦當從簡易之訓。蓋林放問禮之本。原爲目擊當時行禮之失而發。想春秋時古意浸衰。其於他禮俱以奢侈爲尙。

而於喪禮則以簡易爲尙。如麤衰疏食以迄祥禫之制。皆弗能如禮。故夫子大林放之問。而因以警世曰。凡禮與其失之奢也寧儉。喪禮與其失之簡易也寧戚。此救時之論也。其於儉戚爲禮之本之意。亦未始不合耳。然則此句釋易爲治。但當從鄭氏芟治之訓。言今人于喪禮除繁重而趨脫略。正是簡易之弊。若集註統謂奢易則過于文。則不合古訓矣。

揖讓而升下而飲

問古注以七字作一句讀。又康成注射義以揖讓而升下五字爲句。而飲字又一句。集注以下而飲三字爲句。則與禮文升

飲不合。毛西河非之。又集注獨舉大射而言。敢問何如。

答射禮原當分揖讓而升。揖讓而下。揖讓而飲三層。但以下而飲三字爲句。按鄭注賓之初筵。引此亦云下而飲。則集注亦有所本也。揖讓之節。鄉射與大射畧同。集注沿邢疏特舉其重者言耳。揖讓三層附考於後。

按射耦必二人。人必四矢。儀禮大射。上耦出。次西面揖。次

以帷爲之大射。射則有次。當階北面揖。及階揖。上射先升三等。下射從

之上射升堂。少左也。讓下射升。上射揖。竝行併東。皆當其物

北面揖。所立之地。及物揖。視侯中合足而俟。凡有七揖。此

揖讓而升也。卒射。北面揖。揖如升射。上射降三等。下射少
右從之。並行。上射于左。又與升射者交於階前相揖。適次
反位。此揖讓而下也。至升飲。司射命設豐。設于西楹西。勝
者之弟子洗觶。升酌。坐奠於豐上。降。小射正作升飲射爵
者一作猶一耦出。揖如升射儀。及階。勝者先升。袒決遂。執張
弓。升堂。少右。不勝者脫決拾。執弛弓。進北面坐。取豐上之
觶。與少退。立卒觶。進坐奠於豐下。與揖。不勝者先降。又與
升飲者交于階前相揖。適次。此揖讓而飲也。若君與公卿大夫不勝其飲射爲禮與此稍異

蓋大射皆先行燕禮。射畢。乃徹俎安燕。行無算爵及樂。鄉射皆先行鄉飲酒禮。射畢。乃行旅酬及無算爵。無算樂。射凡三次。初射。衆耦未射。不計勝負。故不釋算。三射。用樂射。射法不合鼓節。則不釋算。惟再射。則釋獲者執鹿中。每中釋一算。以俟射畢視算孰賢耳。釋獲者。撿算計數之人也。鹿中者。刻爲獸形。所以盛算。算卽籌也。

飲罰之禮。分賓黨主黨。凡射者。處不勝黨中。雖中多亦受罰。若處勝黨中。雖中少亦不罰。但大射爲將祭擇士之射。其中多者。雖因處不勝黨而受罰。仍得與於祭。中少者。雖

因處勝黨而不罰。仍不與于祭。蓋飲罰以一黨爲勝負。助祭則論一身之藝也。